

შპს „ბეთლაივი“-ს ახალი წამახალისებელი გათამაშების (ნებართვის N 19-03/540) მოწყობის რეგლამენტი

1. ძირითადი ინფორმაცია

1.1. წამახალისებელ გათამაშებას აწყობს შპს „ბეთლაივი“, რომლის საიდენტიფიკაციო ნომერია: 404983238, იურიდიული მისამართი: ქ. თბილისი, პეკინის გამზირი #41

2. მომსახურების ჩამონათვალი/მომსახურების აღწერა.

2.1. შპს „ბეთლაივი“ აზარტული და მომგებიანი თამაშობების ვებ-გვერდზე -- www.betlive.com აწყობს სისტემურ ელექტრონული ფორმით თამაშობებს სსიპ შემოსავლების სამსახურის მიერ გაცემული შესაბამისი ნებართვების საფუძველზე, სადაც ვებ-გვერდის მომხმარებლებს (პინ კოდის მფლობელი მოთამაშე) შესაძლებლობა აქვთ განათავსონ ფსონები სხვადასხვა აზარტულ და მომგებიან თამაშობებზე.

3. წამახალისებელი გათამაშების მიზეზი:

3.1. წამახალისებელი გათამაშების მოწყობის აუცილებლობა განაპირობა სათამაშო ბიზნესის სფეროში არსებულმა დიდმა კონკურენციამ, გათამაშება საკმაოდ ეფექტურად იმოქმედებს ვებ-გვერდის პოპულარიზაციაზე, სტიმულს მისცემს ვებ-გვერდის მოთამაშეებს და განაპირობებს ახალი მომხმარებლების მოზიდვას.

4. გათამაშების მიზანი:

4.1. გათამაშების ორგანიზება მიზნად ისახავს მომხმარებლისათვის დამატებითი ბენეფიტების შეთავაზებას წამახალისებელ გათამაშებაში მონაწილეობის სახით, რაც გამოიწვევს მომხმარებელთა რაოდენობის ზრდას და შესაბამისად კომპანიის შემოსავლების მატებას.

5. წამახალისებელი გათამაშების ბილეთების დაგროვების ვადები და გათამაშების თარიღები

5.1. მოთამაშის მიერ წამახალისებელი გათამაშების ბილეთ(ებ)ის დაგროვება განხორციელდება გათამაშების სრულ პერიოდზე, ყოველდღიურად -- 24 საათიანი დროის ინტერვალში.

5.2. წამახალისებელი გათამაშების ბილეთების დაგროვება დაიწყება 2024 წლის 14 ივნისის 00:01 საათზე და დასრულდება 2024 წლის 14 ივლისის 24:00 საათზე, ხოლო უშუალოდ დაგროვებული ბილეთების გათამაშება დაიწყება 2024 წლის 19 ივნისის 19:00 საათზე და ბოლო გათამაშება გაიმართება 2024 წლის 15 ივლისის 19:00 საათზე. წინამდებარე წამახალისებელი გათამაშების ფარგლებში გაიმართება ჯამში 4 (ოთხი) ლაივ გათამაშება.

5.3. ყოველკვირეული გათამაშება შედგება ბილეთების დაგროვების დაწყების დღიდან კერძოდ შემდეგ თარიღებში:

ბილეთების დაგროვება და ლაივ გათამაშების თარიღები:

5.3.1. 2024 წლის 14 ივნისიდან - 18 ივნისის ჩათვლით დაგროვებული ბილეთები გათამაშდება 2024 წლის 19 ივნისის 19:00 საათზე.

5.3.2. 2024 წლის 19 ივნისიდან - 22 ივნისის ჩათვლით დაგროვებული ბილეთები გათამაშდება 2024 წლის 23 ივნისის 19:00 საათზე.

5.3.3. 2024 წლის 23 ივნისიდან - 26 ივნისის ჩათვლით დაგროვებული ბილეთები გათამაშდება 2024 წლის 27 ივნისს 19:00 საათზე.

5.3.4. 2024 წლის 27 ივნისიდან - 14 ივლისის ჩათვლით დაგროვებული ბილეთები გათამაშდება 2024 წლის 15 ივლისს 19:00 საათზე.

6. წამახალისებელ გათამაშებაში მონაწილეობისა და ბილეთების მიღების წესები:

6.1. წამახალისებელ გათამაშებაში მონაწილეობის მიღების უფლება აქვს მხოლოდ იმ მომხმარებლებს, რომლებიც www.betlive.com-ზე რეგისტრირებული არიან და გავლილი აქვთ იდენტიფიკაციისა და ვერიფიკაციის პროცედურები საქართველოს კანონმდებლობისა და შპს „ბეთლაივის“ წესების შესაბამისად (მათ შორის SMS ვერიფიკაცია) და გააქტიურებული აქვთ პირდაპირი მარკეტინგის მიზნებისთვის შეტყობინების მიღების ფუნქცია. (გათამაშებაში მონაწილეობის აუცილებელ პირობას წარმოადგენს ის, რომ მოთამაშის რეგისტრირებულ მონაცემებში მითითებული მობილური ტელეფონის ნომერი ჩართული უნდა იყოს საქართველოში რეგისტრირებული რომელიმე მობილური ოპერატორის ქსელში).

6.2. www.betlive.com-ზე წამახალისებელი გათამაშების ბილეთები გაიცემა უსასყიდლოდ, ბილეთების მიღების წინაპირობები მოცემულია წინამდებარე რეგლამენტით.

6.3. ბილეთების დასაგროვებლად აუცილებელი წინაპირობაა სპორტის პროდუქტში შესაბამისი ოდენობის ფსონების განთავსება წინამდებარე რეგლამენტით განსაზღვრული პირობების შესაბამისად.

6.4. მომხმარებელს შეუძლია დღეში მხოლოდ 10 (ათი) გათამაშების ბილეთის მიღება.

6.5. გათამაშების ბილეთების დასაგროვებლად სპორტის ნებისმიერ სახეობაზე დღის განმავლობაში ჯამურად 10 (ათი) ლარის ფსონის განთავსებაზე მომხმარებელი მიიღებს გათამაშების 1 (ერთი) ბილეთს. წინამდებარე გათამაშების ფარგლებში არ აქვს მნიშვნელობა დადგა თუ არა ბილეთზე შედეგი (მოგება ან წაგება). მომხმარებელს ბილეთი მიეცემა მას შემდეგ რაც მისი ფსონის ოდენობა მიაღწევს 10 (ათი) ლარს. მაგალითად, თუ მომხმარებელმა 2024 წლის 15 ივნისს ჯერ დადო 2 (ორი) ლარიანი ფსონი და შემდეგ დადო 8 (რვა) ლარიანი ფსონი, მომხმარებელს ბილეთი მიეცემა 8 (რვა) ლარიანი ფსონის დადების შემდეგ, ანუ როდესაც ფსონის ჯამური ოდენობა ერთი დღის განმავლობაში მიაღწევს 10 (ათი) ლარს.

6.6. ონლაინ ტოტალიზატორის თამაშებზე წამახალისებელი გათამაშების ბილეთის მისაღებად აუცილებელია, რომ სპორტის განყოფილებაში დადებული ბილეთები აკმაყოფილებდნენ შემდეგ კრიტერიუმებს:

6.6.1. ჯამური ფსონი - 10 (ათი) ლარი;

6.6.2. მინიმალური ფსონი: 0.10 ლარი. (10 თეთრი)

6.6.3. გადაბმების მინიმალური რაოდენობა - 3;

6.6.4. მინიმალური კოეფიციენტი - 1.5 (მსგავსი 3 მაინც).;

6.6.5. გათამაშების ბილეთის მისაღებად ფსონის პირვანდელი სახე უნდა აკმაყოფილებდეს ზემოთ მოცემულ პირობებს.

6.6.6. ბილეთის ტიპი - მხოლოდ ექსპრესი. არ მონაწილეობს სისტემა და სინგლი.

6.6.7. ფსონები - მონაწილეობს მხოლოდ რეალური თანხით განთავსებული ფსონები.

6.6.8. გათამაშებაში არ მონაწილეობს პროვაიდერ Golden Race-ის ვირტუალური თამაშები და თამაში „კომბო“, შესაბამისად აღნიშნულ თამაშებში ფსონის განხორციელებისას მომხმარებელი ვერ მიიღებს გათამაშების ბილეთს.

7. წამახალისებელი გათამაშების ბილეთების განაწილება

- 7.1. თითოეული გათამაშებისთვის ბილეთები ნაწილდება 1 (ერთი) დოლურაში.
- 7.2. მოთამაშებს ვებ-გვერდ www.betlive.com-ზე ავტორიზაციისას საშუალება აქვთ ნახონ მათ მიერ დაგროვილი ბილეთების რაოდენობა.
- 7.3. წინამდებარე გათამაშების ფარგლებში დოლურაში მოხვდება მომხმარებლის მიერ ბილეთების დაგროვების პერიოდში დაგროვებული ყველა ბილეთი, იმ გამოწვევით, რომ მომხმარებელს შეუძლია დღეში მხოლოდ 10 (ათი) გათამაშების ბილეთის მიღება.

8. წამახალისებელ გათამაშებაში მონაწილეობის წინაპირობა და ბილეთების გაბათილება

8.1. წამახალისებელ გათამაშებაში მონაწილეობას მიიღებენ მხოლოდ ის მოთამაშეები, რომლებიც www.betlive.com-ზე რეგისტრირებულნი არიან და გავლილი აქვთ იდენტიფიკაცია/ვერიფიკაციის პროცედურები (მათ შორის SMS ვერიფიკაცია) საქართველოს კანონმდებლობისა და შპს „ბეთლაივის“ წესების შესაბამისად და გააქტიურებული აქვთ პირდაპირი მარკეტინგის მიზნებისთვის შეტყობინების მიღების ფუნქცია.

8.2. მოთამაშის ყველა ბილეთი გაბათილდება და ვერ მიიღებს გათამაშებაში მონაწილეობას შემდეგი საფუძვლების არსებობისას:

- ა) თუ წამახალისებელი გათამაშების მიმდინარეობისას მოთამაშე დაიბლოკება ვებ-გვერდის წესების დარღვევის გამო, მათ შორის არაკეთილსინდისიერი თამაშის გამო;
- ბ) თუ მოთამაშეს დაფიქსირებული აქვს საქართველოს საზღვრებს გარეთ რეგისტრირებული მობილური ოპერატორის ქსელში ჩართული ნომერი;
- გ) თუ მომხმარებელმა დროულად არ გაიარა ვერიფიციების/ხელახალი ვერიფიციების პროცედურები შპს „ბეთლაივის“ მოთხოვნის შესაბამისად.
- დ) თუ მოთამაშეს შეეზღუდა ვებ გვერდით სარგებლობა ნებისმიერი საკანონმდებლო საფუძვლით.
- ე) თუ მომხმარებელი არ აკმაყოფილებს წინამდებარე რეგლამენტით დადგენილ წინაპირობებს.

8.3. მოთამაშეს გათამაშების ბილეთი მატერიალური სახით არ გადაეცემა, მაგრამ მოთამაშეს www.betlive.com-ზე არსებულ მის პირად ანგარიშზე („ექსპანთზე“) ავტორიზაციის შემდგომ (შესვლის შემდგომ) შესაძლებლობა ექნება შეამოწმოს ინფორმაცია მის სახელზე რიცხული წამახალისებელი გათამაშების ბილეთის რაოდენობის შესახებ.

8.4. მოთამაშეებს უფლება აქვთ www.betlive.com-ზე განახორციელონ საკუთარი მობილური ტელეფონის ნომრების კორექტირება წამახალისებელი გათამაშების ბილეთების მიღების შემდგომ, მაგრამ არაუგვიანეს თითოეული გათამაშების ბილეთების დაგროვების ბოლო დღის 24:00 საათისა; მაგალითად: იმ შემთხვევაში, თუ მომხმარებელმა 2024 წლის 16 ივნისს მიიღო წამახალისებელი გათამაშების 1 ბილეთი მას 2024 წლის 18 ივნისის 24:00 საათის ჩათვლით შესაძლებლობა აქვს შეცვალოს მობილურის ნომერი და განახლებული მონაცემით (ახალი ტელეფონის ნომრით) მიიღოს მონაწილეობა გათამაშებაში. აღნიშნული ვადის

გასვლის შემდეგ მობილური ტელეფონის ნომრის ცვლილება მიიჩნევა მომდევნო გათამაშებაში განხორციელებულად და შესაბამისად 2024 წლის 19 ივნისის გათამაშებაში აღნიშნული მომხმარებლის ბილეთებზე დატანილი იქნება ძველი ნომერი და თუ ასეთი მომხმარებლის ბილეთი აღმოჩნდება მოგებაზედრილი და ბილეთზე მითითებულ ნომერზე წინამდებარე რეგლამენტით გათვალისწინებული პირობების შესაბამისად განხორციელდება დაკავშირება, პრიზი მაინც გადაეცემა **ბილეთზე დატანილი პინ კოდის მფლობელ მომხმარებელს**, იმის მიუხედავად კი თუ ძველ ნომერზე დარეკვისას უშუალოდ აღნიშნულ მომხმარებელთან ვერ შედგება კომუნიკაცია. პრიზის მისაღებად მოცემულ შემთხვევაშიც მხოლოდ ტექნიკურად დაკავშირებაა საჭირო; შესაბამისად, აღნიშნული მომხმარებლის ახალი ნომრით მონაწილეობას ვერ მიიღებს 2024 წლის 19 ივნისის გათამაშებაში, მაგრამ მონაწილეობას მიიღებს 23 ივნისის გათამაშებაში თუ ის დააგროვებს ბილეთებს 2024 წლის 19 ივნისიდან - 22 ივნისის ჩათვლით.

9. ბილეთების ბეჭდვა

9.1. ბილეთები სტამბაში დაიბეჭდება ყოველი გათამაშების დღის (2024 წლის 19 ივნისი, 23 ივნისი, 27 ივნისი, 15 ივლისი) 15:00 საათამდე შპს „ბეთლაივი“-ს მიერ ელექტრონულად მიწოდებული ინფორმაციის შესაბამისად. სტამბის მიერ დაბეჭდილი ბილეთები დაილუქება და შეინახება გათამაშებამდე.

9.2. გათამაშებაში სულ დაიბეჭდება 1 000 000 (ერთი მილიონი) ცალი ბილეთი. ბილეთების ნუმერაცია (სერიული #) განისაზღვრება #000 000 1-დან – #1 000 000-ჩათვლით;

9.3. ბილეთებზე დატანილი იქნება შემდეგი მონაცემები:

- www.betlive.com-ის მომხმარებლის პირადი იდენტიფიკატორის ნომერი (პინკოდი) - რაც წარმოადგენს მომხმარებლისთვის ვებ-გვერდზე რეგისტრაციის დროს მინიჭებულ უნიკალურ კოდს
- მომხმარებლის მობილური ტელეფონის ნომერი;
- სტამბის მიერ ბილეთისათვის მინიჭებული უნიკალური სერიული ნომერი (სერიული #);
- შპს „ბეთლაივის“ სახელწოდება
- შპს „ბეთლაივის“ საიდენტიფიკაციო ნომერი;
- შპს „ბეთლაივის“ იურიდიული მისამართი
- წამახალისებელი გათამაშების ნებართვის ნომერი;
- შპს „ბეთლაივის“ ცხელი ხაზის ნომერი;
- გათამაშების პერიოდი;

10. გათამაშების ჩატარების ადგილი, პრიზები და თარიღები

10.1. გათამაშება გაიმართება 2024 წლის 19 ივნისის 19:00 საათზე, 23 ივნისის 19:00 საათზე, 27 ივნისის 19:00 საათზე, 15 ივლისის 19:00 საათზე, არაუმეტეს 1 (ერთი) საათის მანძილზე, შპს „ბეთლაივის“ გადასაღებ პავილიონში, ხოლო გადაცემის ტრანსლირება მოხდება მხოლოდ კომპანიის ვებ-გვერდზე (www.betlive.com).

10.2. გათამაშება ჩატარდება პირდაპირ ეთერში („live“ რეჟიმში) და გათამაშების პირდაპირი ტრანსლაცია იწარმოებს შემდეგი მისამართიდან: ქ. თბილისი, ა. წერეთლის გამზ. 123

10.3. წამახალისებელ გათამაშებაში სულ გათამაშდება 4 000 000 (ოთხი მილიონი) ლარის ოდენობის ფულადი პრიზი წინამდებარე რეგლამენტით დადგენილი წესით.

2024 წლის 19 ივნისის გათამაშებაში თამაშდება - 1 000 000 (ერთი მილიონი) ლარი.

2024 წლის 23 ივნისის გათამაშებაში თამაშდება - 1 000 000 (ერთი მილიონი) ლარი.

2024 წლის 27 ივნისის გათამაშებაში თამაშდება - 1 000 000 (ერთი მილიონი) ლარი.

2024 წლის 15 ივლისის გათამაშებაში თამაშდება - 1 000 000 (ერთი მილიონი) ლარი.

11. პირდაპირ ეთერში გათამაშების ჩატარების წესები და პირობები

11.1. გათამაშება პირდაპირი რეჟიმით („live stream“) ნაჩვენები იქნება მხოლოდ შპს „ბეთლაივი“-ს ვებ-გვერდზე.

11.2. გათამაშების დღეს გათამაშებაში მონაწილე ყველა ბილეთი მოთავსდება 1 (ერთი) დოლურაში; ყოველ გათამაშებაში თითო გამარჯვებულის ნომერი ამოვა ერთი და იმავე დოლურიდან.

11.3. გადაცემის წამყვანი დოლურიდან ბილეთის ამოღების შემდეგ გამოაცხადებს ბილეთზე დატანილი მომხმარებლის ტელეფონის ნომრის პირველ ექვს ციფრს და ტელეფონის საშუალებით დაუკავშირდება ბილეთზე დატანილ მობილურის ნომერს.

11.4. წამყვანის მიერ, დოლურიდან ამოღებულ ბილეთზე, დატანილ ნომერზე წარმატებით დაკავშირების შემდეგ გამარჯვებულს ეცნობება რომ მან მოიგო 1 000 000 (ერთი მილიონი) ლარი. თითოეულ გათამაშებას ეყოლება ერთი გამარჯვებული.

11.5. იმ შემთხვევაში თუ მოთამაშე უპასუხებს ზარს სტუდიიდან, იგი ავტომატურად გახდება გამარჯვებული და პრიზის მფლობელი

11.6. წინამდებარე წამახალისებელ გათამაშებაში გათამაშდება შემდეგი პრიზები:

11.6.1. **2024 წლის 19 ივნისის გათამაშებაში გათამაშდება:**

1 (ერთი) ცალი - 1 000 000 (ერთი მილიონი) ლარი საშემოსავლო გადასახადის ჩათვლით.

11.6.2. **2024 წლის 23 ივნისის გათამაშებაში გათამაშდება:**

1 (ერთი) ცალი - 1 000 000 (ერთი მილიონი) ლარი საშემოსავლო გადასახადის ჩათვლით.

11.6.3. **2024 წლის 27 ივნისის გათამაშებაში გათამაშდება:**

1 (ერთი) ცალი - 1 000 000 (ერთი მილიონი) ლარი საშემოსავლო გადასახადის ჩათვლით.

11.6.4. **2024 წლის 15 ივლისის გათამაშებაში გათამაშდება:**

1 (ერთი) ცალი - 1 000 000 (ერთი მილიონი) ლარი საშემოსავლო გადასახადის ჩათვლით.

11.7. პრიზის მოგებისათვის აუცილებელი პირობაა, მოთამაშეს www.betlive.com-ის მონაცემთა ბაზაში მითითებული ჰქონდეს SMS ვერიფიკაციის სქემით ვერიფიცირებული მობილური ტელეფონის ნომერი და უპასუხოს ზარს სტუდიიდან;

11.8. ამ პუნქტით გათვალისწინებული მიზნებისათვის, ზარზე პასუხის გაცემად მიიჩნევა www.betlive.com-ის მონაცემთა ბაზაში დაფიქსირებულ მომხმარებლის ნომერთან ტექნიკურად დაკავშირება თუნდაც ვერ მოხერხდეს მოთამაშესთან გასაუბრება, თუ გამავალი ზარის განხორციელების შემდგომ დაფიქსირდება წამზომის ათვლა მიიჩნევა, რომ მოთამაშესთან კავშირი შედგა და შესაბამისად გამარჯვებული გამოვლენილად ჩაითვლება. მომხმარებლის ნომერთან ტექნიკურ დაკავშირებად არ კვალიფიცირდება გამავალი ზარის შემდგომ ავტომოპასუხის ჩართვა და/ან სხვა ნომერზე გადამისამართების შესახებ ხმოვანი შეტყობინება.

11.9. თუ დოლურიდან ამოღებულ ბილეთზე დატანილ მოთამაშის მობილური ტელეფონის ნომერზე დარეკვისას მოთამაშემ არ უპასუხა ზარს, ტელეფონი გამორთულია, ფიქსირდება დაკავება ან სხვა ნებისმიერი მიზეზის გამო ვერ ხერხდება დაკავშირება, ასევე თუ დაფიქსირდება გამავალი ზარის შემდგომ ავტომოპასუხის ჩართვა და/ან სხვა ნომერზე გადამისამართებაზე ხმოვანი შეტყობინება - გადაცემის წამყვანი კიდევ ორჯერ შეეცდება მოთამაშესთან დაკავშირებას.

11.10. დოლურიდან ამოღებულ ბილეთზე დატანილ ნომერთან დაკავშირების 3 (სამი) წარუმატებელი მცდელობის შემთხვევაში, გადაცემის წამყვანი ამოღებულ ბილეთს გადადებს და მის ნაცვლად დოლურიდან ამოიღებს ახალ ბილეთს, რომელის მფლობელთანაც დაკავშირება მოხდება წინამდებარე წესების შესაბამისად; იმ შემთხვევაში თუ დოლურიდან ამოღებულ მეორე ბილეთზე დატანილ ნომერზეც 3 (სამი) მცდელობის მიუხედავად ვერ განხორციელდება დაკავშირება გადაცემის წამყვანი აღნიშნულ ბილეთსაც გადადებს გვერდით და დოლურიდან კვლავ ამოიღებს ახალ ბილეთს; ბილეთების დოლურიდან ამოღების აღნიშნული მექანიზმი იმოქმედებს ყოველ შემდგომ ბილეთზეც იმ მომენტამდე სანამ არ მოხდება დოლურიდან პრიზის გათამაშება.

11.11. გათამაშების სრული პერიოდის მანძილზე ერთ მოთამაშეს **შესაძლებლობა აქვს მოიგოს პრიზი წინამდებარე წამახალისებელ გათამაშებაში მხოლოდ ერთხელ**. აღნიშნული გულისხმობს რომ თუ მაგალითად მომხმარებელმა მოიგო პრიზი 2024 წლის 19 ივნისის გათამაშებაში იგი ვეღარ შეძლებს პრიზის მოგებას 2024 წლის 23 ივნისის, 27 ივნისის ან 15 ივლისის გათამაშებაში (ასეთი მომხმარებლის ბილეთები არ ჩაიყრება დოლურაში).

12. წამახალისებელი გათამაშების საპრიზო ფონდი

12.1. წამახალისებელი გათამაშების საპრიზო ფონდი საშემოსავლო გადასახადის ჩათვლით შეადგენს 4 000 000 (ოთხი მილიონი) ლარს.

2024 წლის 19 ივნისის გათამაშებაში გათამაშდება:

1 (ერთი) ცალი - 1 000 000 (ერთი მილიონი) ლარი საშემოსავლო გადასახადის ჩათვლით.

2024 წლის 23 ივნისის გათამაშებაში გათამაშდება:

1 (ერთი) ცალი - 1 000 000 (ერთი მილიონი) ლარი საშემოსავლო გადასახადის ჩათვლით.

2024 წლის 27 ივნისის გათამაშებაში გათამაშდება:

1 (ერთი) ცალი - 1 000 000 (ერთი მილიონი) ლარი საშემოსავლო გადასახადის ჩათვლით.

2024 წლის 15 ივლისის გათამაშებაში გათამაშდება:

1 (ერთი) ცალი - 1 000 000 (ერთი მილიონი) ლარი საშემოსავლო გადასახადის ჩათვლით.

13. პრიზების გაცემა

13.1. პრიზის გაცემა ხდება გამარჯვებული პირადი იდენტიფიკატორის ნომრის (პინკოდის) მფლობელ მოთამაშეზე; გამარჯვებულებს მოგებული ფულადი პრიზი დაერიცხებათ ყოველი გათამაშების პირდაპირი ტრანსლაციის დასრულებიდან არაუგვიანეს 6 (ექვსი) დღის ვადაში, მომხმარებლის სახელზე რეგისტრირებულ და მითითებულ იმ ბანკის საბანკო ანგარიშზე რომელიც რეგისტრირებულია საქართველოში; **თითოეული მომხმარებლისთვის გასაცემი საპრიზო თანხიდან 1 000 000 (ერთი მილიონი) ლარი დაიქვითება საშემოსავლო გადასახადი.**

13.2. გათამაშების მოგებების გაცემის საერთო ვადაა გათამაშებიდან 30 კალენდარული დღე. მოგება გაიცემა მომხმარებლის მიერ საიდენტიფიკაციო დოკუმენტის (მაგ: პირადობის დამადასტურებელი დოკუმენტი/პასპორტი ან/და საქართველოს კანონმდებლობით დაშვებული სხვა დოკუმენტი) წარდგენიდან არაუგვიანეს 6 (ექვსი) დღისა;

13.3. პრეტენზიების მიღების საერთო ვადა განისაზღვრება გათამაშების ჩატარებიდან 30 (ოცდაათი) კალენდარული დღით, ხოლო პრეტენზიების განხილვა მოხდება პრეტენზიების წარმოშობიდან (მიღებიდან) 30 (ოცდაათი) კალენდარული დღის განმავლობაში. წინამდებარე ქვეპუნქტით გათვალისწინებული ვადის გასვლის შემდეგ არანაირი პრეტენზია არ განიხილება. პრეტენზიის შესახებ განცხადების წარდგენა შესაძლებელია ორგანიზატორის ფაქტობრივ ან იურიდიულ მისამართზე ან ელექტრონულ ფოსტაზე info@betlive.com შესაბამისი შეტყობინების გაგზავნის გზით. პრეტენზიას განიხილავს და გადაწყვეტილებას იღებს, სადავო გათამაშების დროს მითითებული კომისიის წევრთა ჯგუფი. პრეტენზიის განხილვასთან დაკავშირებით საბოლოო გადაწყვეტილება განმცხადებელს ეცნობება -- გადაწყვეტილების მიღებიდან 3 (სამი) სამუშაო დღის განმავლობაში, შპს „ბეთლაივის“ სისტემაში (ან/და განცხადებაში) მომხმარებლის მიერ მითითებულ სატელეფონო ნომერზე ან/და წერილობით ელექტრონულ ფოსტაზე.

13.4. შპს „ბეთლაივი“ უზრუნველყოფს წამახალისებელი გათამაშების წესების საჯაროობას, ვინაიდან ტექნოლოგიურად შეუძლებელია მომგებიანი თამაშობის ბილეთზე წამახალისებელი გათამაშების რეკვიზიტების (თამაშობის ზოგადი წესი, მომგებიანი თამაშობის მოგების გაცემის ზღვრული ვადა და ა.შ.) სრულად ასახვა ამის გამო გათამაშების წესები განთავსებული იქნება ვებ-გვერდზე www.betlive.com; გათამაშების წესების შესახებ ინფორმაციის მიღება მოთამაშეებს ასევე შეეძლებათ www.betlive.com-ის ცხელ ხაზზე დარეკვით, ნომერი: (995 32) 2 90 44 44.

13.5. გათამაშების შედეგების შესახებ ვებ-გვერდზე ინფორმაცია გამოქვეყნდება მოგებათა ოფიციალური ცხრილის სახით გათამაშებიდან ორი კალენდარული დღის ვადაში.

შპს „ბეთლაივი“-ს

დირექტორი:

თეიმურაზ კოპალეიშვილი